

**Uumasut nappaataannik inunnut tunillaassorsinnaasunik taakkulu akuinik
siaruaassinnaasunik akiuiniarneq pillugu Inatsisartut inatsisaata
allangortinneqarneranik Inatsisartut inatsisaat nr. xx u xx 2016-imeersoq
(Uumasogatigiinnik avataaniit eqqussineqqussinerup malittarisassaqtitaanera)**

(Saqq. Aalisarnermut, Piniarnermut Nunalerinermullu Naalackersuisoq)

pillugu

Aalisarnermut, Piniarnermut Nunalerinermullu ataatsimiititaliap

ISUMALIUTISSIISSUTAA.

Siunnersuutip aappassaaneerpeqarneranut saqqummiunneqartoq

Suliarineqarnerani Ataatsimiititaliami uku peqataapput:

Inatsisartunut ilaasortaq Karl-Kristian Kruse, Siumut, siul.
Inatsisartunut ilaasortaq Ane Hansen, Inuit Ataqtigiit, siul. tull.
Inatsisartunut ilaasortaq Michael Rosing, Demokraatit
Inatsisartunut ilaasortaq Jess Svane, Siumut
Inatsisartunut ilaasortaq Siverth K. Heilmann, Atassut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Hans Enoksen, Partii Naleraq

Ulloq 28. september siullermeerereermermi Ataatsimiititaliap siunnersuut misissorpaa.

Siunnersuutip imaa aamma siunertaa

Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaata nr. 12-p, 6. juni 2016-imeersup allangortinneqarneranik kinguneqassaaq. Inatsimmi § 4-mut oqaasertaliussat uumasogatigiit nunatsinneersuunngitsut avataaneersut eqqunneqartarnerannut malittarisassanut tunngasut siunertarineqartutut sunniuteqarsinnaanerit uungaannarpallaartutut isumaqarfigineqarput, taamaatumillu aalajangersagaq annertusineqarpoq. Tassa imaappoq allanguutissatut siunnersuut atorlugu uumasogatigiiaat uumasut nappaataannik inunnut tunillaassorsinnaasunik taakkulu akuinik siaruaassinnaasunik peqarsinnaasut *tamaasa* pillugit Naalackersuisut siunissami erseqqinnerusumik malittarisassiorsinnaatitaallissat.

Uumasut nunanit allanit eqqussuunneqartut arlaatigulluunniit Kalaallit Nunaannut pisimasut

pillugit nakkutilliinerunissap taakkulu malittarisassiuunneqarnerisa isumannaarneqarnissaa siunnersuutikkut siunertarineqarpoq. Tamanna siunertaavoq pileqqaataani Kalaallit Nunaanni uumasuusimasut isumannaarunniarlugit, kiisalu inuuttaasut peqqissusiat illersorniarlugu.

Siunnersuutip Inatsisartuni siullermeerneqarnera

Siunnersuut sivikitsumik isummorsorfigineqarluni, siunnersuummullu ataatsimut igisagalugu isumaqataaneq oqaatigineqarluni, Aalisarnermut, Piniarnermut Nunalerinermullu ataatsimiititaliami suliarisassanngorlugu innersuunneqarpoq.

Tusarniaanermi akissutit

Siunnersuut piffissami 6. junimiit 11. julimut tusarniaassutigineqarsimavoq (tusarniaanermik nittartagaq malillugu 1. juni aallarnerfigineqarpoq), taakkulu oqaaseqaateqarnissamut pissutissaqartitsisimangillat.

Ataatsimiititaliap siunnersuummik suliaqarnera

Ataatsimiititaliap siunnersuut misissorpaa, tamannalu tunngavigalugu kiisalu siullermeerinermi oqaatigineqartut aallaavigalugit isumaqarluni annertunerusumik oqaaseqaateqarnissamut pissutissaqanngitsoq.

Taamaalilluni Kalaallit Nunaanni uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarnermi pinngitsoortitsiniarluni sunniuteqarluartumik alloriarloqarnera Ataatsimiititaliap tapersersuinnarsinnaavaa, (soorunami) tunngavigineqassalluni tamanna nalinginnaasumik inatsisinik tunngaveqarnissamik naapertuutissasoq, tamatumannitaaq pineqarluni naleqqersuussinissamut tunngavissaqarnissaq.

Aappaatigullu ataatsimiititaliap oqaatiginngitsoorusunngilaa, siunnersuut una Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaata akuerineqarnerata kingorna siunnersuuteqarnikkut allanngortinneqarusuttoq uissuummissutaasinnasumik tuaviortumik saqqummiunneqarmat. Pissutsit tunngavigalugit siunnersuut tusarniaassutigineqarpoq (1. juni) inatsisip suli atsiorneqannginnerani (6. juni) aammalumi suli atuutilinnginnerani (1. juli) tusarniaassutigineqarpoq. Periaaseq tamanna pissutsit immikkut isigisassat pineqartinnagit ataatsimiititaliap toqqaannartumik inassutigisinnaanngilaa.

Tamatumunnga atatillugu ataatsimiititaliap soorunami paasisinnaavaa, inatsisip aalajangersagartai kingornatigut naammattutut isigineqanngippata imaluunniit naammaginangitsumik sunniuteqartutut paasineqarpata inatsisip aalajangersimasup allanngortinnissaata pisariaqarnera pilersinnaasarmat. Kisianni pineqartumi tuaviuussineq pinngitsoorani malunnaateqarluarpoq, tassami Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat katersuunnerni arlaqartuni sammineqartareersimammat, ilaatigullu naqqiissutinik

saqqummiussisoqartarsimammat, kiisalu allannguutissatut siunnersuutit arlaqarsimallutik, ilaatigullu matumani pineqartoq tassaammat kapitali 4 allangortinniarneqartoq. Taamaattumik ataatsimiititaliap neriutigisinnaasimagaluarpaa inatsisip sivilisunerusumik atuuffeqarsinnaanera, taamaattoqarsimanngilarli.

Siunnersuutip aningaasatigut kingunissai

Nassuiaatit nalinginnaasut malillugit siunnersuut aningaasatigut kinguneqassanngilaq. Allatut naliliinissamut ataatsimiititaliaq pissutissaqanngilaq.

Ataatsimiititaliap inassutai

Ataatsimiititaliap isumaqatigiittup inassutigaa siunnersuut **akuerineqassasoq**.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.

Karl-Kristian Kruse
Siulittaasoq

Ane Hansen
Siulittaasup tullia

Michael Rosing

Jess Svane

Siverth K. Heilmann

Aqqaluaq B. Egede

Hans Enoksen